

REGLUGERÐ

um breyting á reglugerð nr. 147 30. desember 1955,
um tekjuskatt og eignarskatt.

1. gr.

Fjórði töluliður B-liðs í 34. gr. reglugerðarinnar orðist svo:

Í skuldabréfum tryggðum með veði í húseignum allt að 50% af brunabótamatsverði, eða sé brunabótamat ekki fyrir hendi, þá af matsverði, sem ákveðið er af 2 mönnum, sem fjármálaráðherra tilnefna.

2. gr.

Reglugerð þessi öðlast þegar gildi.

Fjármálaráðuneytið, 24. maí 1963.

Gunnar Thoroddsen.

Sigr. Klemenzson.

Nr 87.

27. maí.

REGLUGERÐ

um breytingu á hafnarreglugerð fyrir Sauðárkrók, nr. 67 14. maí 1949.

1. gr.

29. gr. hafnarreglugerðarinnar orðist þannig:

- a. Skip og bátar, sem eru eign búsettra manna á Sauðárkróki og skrásett þar eða gerð út þaðan til fiskveiða og flutninga, þó ekki millilandasiglinga, svo og önnur skip og bátar, sem gerð eru út frá Sauðárkróki a. m. k. tveggja mánaða tíma samfleytt á ári, skulu greiða lestagjald sem hér segir:

Opnir bátar greiði lágmarksgjald kr. 130.00 og auk þess kr. 37.50 á hverja brúttórúmllest.

Þilfarsbátar greiði lágmarksgjald kr. 260.00 og auk þess kr. 37.50 á hverja brúttórúmllest. Fari þessi skip millilandaferðir, verða þau gjaldskyld undir d-lið þessarar greinar og má þá endurgreiða nefnt gjald hlutfallslega fyrir þann tíma, sem millilandaferðin tekur eða ferðirnar, ef þeim er haldið áfram óslitið.

- b. Innland fiskiskip greiða kr. 1.00 fyrir hverja brúttórúmllest, í hvert skipti, er þau koma til hafnar.
- c. Strandferðaskip, sem að staðaldri eru í strandferðum, eftir fastri fyrirfram auglýstri áætlun, greiða kr. 0.80 fyrir hverja nettórúmllest.
- d. Öll önnur skip greiði kr. 1.50 á hverja nettórúmllest, nema herskip, varðskip, skip, sem hafa skírteini sem skemmtiferðaskip, skip, sem gerð eru út til vísindalegrar rannsóknar og skip, sem leita hafnar vegna sjóskemmda, svo og vitaskip ríkissjóðs.

2. gr.

30. grein reglugerðarinnar orðist þannig:

Öll skip, sem til hafnarinnar koma á tímabilinu 1. ágúst til 15. maí og um getur í 29. gr., skulu greiða ljósagjald þannig:

- a. Skip, sem um getur í a-lið 29. gr., greiði árlega kr. 75.00.
- b. Skip, sem um getur í c-lið 29. gr., skulu greiða í ljósagjald kr. 0.25 fyrir hverja nettórúmlest.
- c. Önnur skip, hvort sem þau greiða lestagjald skv. 29. gr. eða eru undanþegin því, skulu greiða í ljósagjald kr. 0.25 fyrir hverja brúttórúmlest, þó aldrei lægra en kr. 50.00 í hvert sinn.

3. gr.

31. gr. hafnarreglugerðarinnar falli niður og töluröð síðari greina breytist því til samræmis.

4. gr.

38. gr., sem verður 37. gr., orðist þannig:

Vörugjaldskrá.

1. flokkur. Gjald kr. 2.00 fyrir hver 100 kg:
Kol, koks og salt.
2. flokkur. Gjald kr. 3.00 fyrir hver 100 kg:
Kornvara og fóðurvara í sekkjum, áburður, hey, garðávextir í sekkjum (s. s. kartöflur, rófur og laukur), sement og kalk.
3. flokkur. Gjald kr. 3.60 fyrir hver 100 kg:
Gasolía, svartolía og aðrar brennsluolíur, benzín, byggingarefni óunnið (s. s. þakjárn, þakhellur, þakskifur, asbest, steypustyrktarjárn, múrhúðunarefni, þó ekki sementsmálning, vikur, vikursteinar, hlutir úr frauðsteypu og gjalli, vegg- og gólflísar), veiðarfæri, ótalin annars staðar, fiskumbúðir og saltfiskur.
4. flokkur. Gjald kr. 4.50 fyrir hver 100 kg:
Hraðfrystur fiskur, sjávarafurðir, ótaldar annars staðar, gærur, húðir og garnir.
5. flokkur. Gjald kr. 5.00 fyrir hver 100 kg:
Járn óunnið, smíðajárn, miðstöðvar- og vatnsleiðslurör (s. s. rör, ofnar, katlar, kranar og annar „fittings“), rör og pípur (s. s. raflagnarör, olíuleiðslur, rör ótalin annars staðar), jarðstrengur, vír óeinangraður, girðingarefni annað en tréstaumar, vélar og tæki (þyngri en 100 kg, s. s. vinnuvélar, mótórar, rafalar, spennar), háspennueinangrarar, bifreiðar, vélar og tæki til landbúnaðar, önnur en handverkfæri, olíur í heilum fötum, aðrar en brennsluolíur (s. s. smurolíur og smjörlíkisolíur), trjáviður og þilplötur til húsagerðar, sem gjald reiknast af eftir þyngd, skreið.
6. flokkur. Gjald kr. 6.00 fyrir hver 100 kg:
Landbúnaðarvörur, ótaldar annars staðar.
7. flokkur. Gjald kr. 1.50 fyrir hver 10 kg:
Olíur í litlum þakkingum, ílátum og dósum, rafknúin heimilistæki, raflagnaefni, ótalið annars staðar, eldavélar, ofnar, kynditæki, hreinlætistæki, s. s. úr postulíni og málmum, málningarvörur ýmiss konar, sementsmálning, húðunarefni, ótalin annars staðar, terrasso, gólfdukar og plötur til gólfagna, korkur, unninn og óunninn, rúðugler í kistum, sykur, kaffi, einangrunarvír, kaffibætir, brauðvörur alls konar, ávextir, grænmeti, matvara í stórum þakkingum og dósum og glösum, fullunnar efnagerðarvörur, ótaldar annars staðar, kjötvörur og fiskvörur í dósum og smáþakkingum, handverkfæri, vélar og tæki undir 100 kg, varahlutir ýmiss konar (s. s. saumur, skrúfur, boltar, skrár, lamir o. fl. þess konar úr málmum og gerviefnum), barnavagnar, hjól-

hestar, mótorhjól, smávélar (s. s. skilvindur, strokkar, saumavélar o. fl.), hreinlætisvörur, aldinsafar, öl og gosdrykkjavörur, búsáhöld ýmiss konar, burstavörur, siglingatæki, gúmmívörur, bækur, pappírs-vörur, kennslutæki, vefnaðarvörur, garn (ull og gerviefni).

8. flokkur. Gjald kr. 3.00 fyrir hver 10 kg:

Leðurvörur, skófatnaður, glervörur, ótaldar annars staðar, lyfjavörur, hjúkrunarvörur, rafmagnsvörur og tæki, ótalin annars staðar, smá-hljóðfæri, viðtæki, upptökutæki, grammofónar, spólur og hljómplöt-ur, mælitæki, s. s. mælar, klukkur, úr og önnur mælitæki ótalin, sport-vörur, sælgætisvörur, skrifstofuvélar, byssur, skotfæri, leikföng, skraut-vörur, glysvarningur, áfengi, ilmviötn, tóbaksvörur, ótaldar smávörur, svo og allar þær vörur, sem gjald er tekið af eftir þyngd og eru ótaldar annars staðar.

9. flokkur. Gjald kr. 3.00 fyrir hvert stykki:

Tómar tunnur, föt og umbúðir.

10. flokkur. Gjald kr. 1.00 fyrir hvert teningsfet:

Trjáviður, sem reiknast eftir rúmmáli.

11. flokkur. Gjald kr. 1.50 fyrir hvert teningsfet:

Húsgögn, hljóðfæri, olúgeymar o. fl., allar aðrar vörur ótaldar annars staðar, sem gjald reiknast af eftir rúmmáli.

12. flokkur. Gjald kr. 15.00 fyrir hvert stykki:

Stórgripir og lifandi sauðfé.

13. flokkur. Gjald kr. 4.00 fyrir hverja tunnu:

Saltsild í tunnum.

14. flokkur. Gjald $\frac{1}{2}\%$ af verðmæti sjávarafla, lögðum á land á Sauðárkróki til vinnslu og verunar, sem innleggjandi greiðir. Kaupandi, vinnsluaðili eða verkandi, innheimtir gjaldið og er ábyrgur fyrir því til hafnar-sjóðs, þótt hann vanræki innheimtu þess hjá innleggjanda.

5. gr.

41. grein hafnarreglugerðarinnar falli niður.

6. gr.

46. grein, sem verður 44. grein, orðist þannig:

Hafnsögugjöld skulu greidd samkvæmt eftirfarandi gjaldskrá, af brúttórúmllest:

- Fyrir leiðsögn til hafnarinnar 200 krónur fyrir hvert skip, allt að 300 rúmllestir brúttó, og 30 aurar fyrir hverja rúmllest þar yfir.
- Fyrir leiðsögn frá höfninni 200 krónur fyrir hvert skip, allt að 300 rúmllestir brúttó og 15 aurar fyrir hverja rúmllest þar yfir.
- Fyrir leiðsögn um höfnina greiðist hálf gjald skv. a-lið.

7. gr.

47. grein, sem verður 45. grein, orðist þannig:

Hvert það skip, sem leggst við bryggju eða bólvirki, hvar sem er í höfninni eða að skipi, sem liggur við bryggju eða bólvirki, skal greiða bryggjugjald eftir stærð skipsins, talið í heilum tonnum, en brotum skal sleppt.

Gjöldin skulu vera sem hér segir:

- Bátar og skip, 30 rúmllestir að stærð og þar yfir, skv. 29. gr. a-lið, greiði kr. 6.00 af hverri brúttórúmllest árlega.
- Bátar og skip, sem um getur í b-lið 29. gr., greiði fyrir hvern hálfan sólar-hring eða hluta úr hálfum sólarhring kr. 0.45 af hverri brúttórúmllest.

- c. Strandferðaskip, sem um getur í c-lið 29. gr., greiði kr. 0.45 af hverri nettórúmlest í hvert sinn, sem þau koma til hafnarinnar.
- d. Öll önnur skip, nema varðskip og hjörgunarskip, greiði kr. 0.75 af hverri brúttórúmlest fyrir hvern hálfan sólarhring eða hluta úr hálfum sólarhring. Bryggjuggjald skv. b-, c- og d-liðum þessarar greinar skal aldrei vera lægra en kr. 50.00 í hvert sinn.

Reglugerð þessi staðfestist hér með samkvæmt lögum um hafnargerðir og lendíngarbætur, nr. 29 23. apríl 1946, til að öðlast þegar gildi, og birtist til eftirbreytni öllum þeim, sem hlut eiga að máli.

Jafnframt falla úr gildi 1.—2. og 4.—6. gr. reglugerðar nr. 49 20. marz 1953 og reglugerð nr. 23 20. febrúar 1955, um breyting á hafnarreglugerð fyrir Sauðárkrók.

Samgöngumálaráðuneytið, 27. maí 1963.

Emil Jónsson.

Brynjólfur Ingólfsson.

REGLUGERÐ

um fasteignaskatt í Grafningshreppi, Árnassýslu.

Fasteignaskatt í Grafningshreppi skal innheimta með 100% álagi eins og hann er ákveðinn í 3. gr. laga nr. 69/1962.

Reglugerð þessi staðfestist hér með samkvæmt lögum nr. 69/1962, 5. gr., sbr. 3. gr., til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 28. maí 1963.

Gunnar Thoroddsen.

Hjálmar Vilhjálmsson.

REGLUGERÐ

um breytingu á reglugerð nr. 160 29. nóvember 1956, um takmörkun leigubifreiða á Akureyri og um ráðstöfun atvinnuleyfa.

1. gr.

1. málsg. 1. gr. reglugerðarinnar orðist þannig:

Tala allt að 8 farþega leigubifreiða til mannflutninga á Akureyri, skal á hverjum tíma takmörkuð við íbúatölu Akureyrar, þannig, að ein leigubifreið komi á hverja 225 íbúa. Reikna skal með tölu þeirra íbúa, sem lögheimili eiga á Akureyri samkvæmt nýjustu skýrslum Hagstofu Íslands.

2. gr.

Reglugerð þessi öðlast þegar gildi.